

REGLUGERÐ

um breyting á reglugerð nr. 28 18. apríl 1958, um útvarpsrekstur ríkisins.

1. gr.

27. gr. reglugerðarinnar orðist svo:

Hverjum útvarpsnotanda ber að innleysa póstkröfu sína, eða greiða afnotagjald sitt í Innheimtudeild Ríkisútvarpsins, sem sjálf annast innheimtu fyrir Reykjavík og nágrenni, innan mánaðar frá gjalddaga hennar. Að þeim tíma liðnum bætist við gjaldið 10% innheimtukostnaður.

Ógreiddar kröfur skulu endursendar innheimtuskrifstofu Ríkisútvarpsins, sem síðan sendir þær til lögtaksinnheimtu á kostnað gjaldenda.

2. gr.

Reglugerðarbreyting þessi öðlast þegar gildi.

Menntamálaráðuneytið, 6. júní 1966.

Gylfi Þ. Gíslason.

Birgir Thorlacius.

Nr. 107.

12. júlí 1966.

AUGLÝSING

varðandi gin- og klaufaveiki.

Bann við innflutningi á lifandi jurtum, trjám, trjágreinum og könglum svo og hvers konar grænmeti og jarðávöxtum, sem ákveðið var með auglýsingu Landbúnaðarráðuneytisins, dags. 4. marz 1966 og birt í 15. tölublaði Lögbirtingablaðsins 1966, er úr gildi fellt. Að öðru leyti heldur auglýsingin gildi sínu.

Enn fremur er úr gildi felld auglýsing, dags. 10. marz 1966, birt í 15. tölublaði Lögbirtingablaðsins 1966, um bann við notkun aðfenginna matarleifa og sláturafurða til gripafóðurs.

Landbúnaðarráðuneytið, 12. júlí 1966.

Ingólfur Jónsson.

Gunnlaugur E. Briem.

Nr. 108.

16. júní 1966.

AUGLÝSING

um hámarkshraða á Reykjanesbraut.

Á tímabilinu 1. maí til 30. september gilda eftirfarandi reglur um hámarkshraða ökutækja á Reykjanesbraut frá vegamótum við Krisuvíkurveg að vegamótum við Hafnaveg (flugvallarveg).

Hámarkshraði ökutækja, annarra en bifreiða, sem draga tengi- eða festivagna, skal vera 80 km á klst.

Hámarkshraði bifreiða, sem draga tengi- eða festivagna, skal vera 60 km á klst.

Auglýsing þessi, sem sett er samkvæmt heimild í 50. gr. umferðarlaga nr. 26 2. maí 1958, sbr. 7. gr. laga nr. 62 13. maí 1966, öðlast gildi 26. júní 1966.

Dóms- og kirkjumálaráðuneytið, 16. júní 1966.

Jóhann Hafstein.

Ólafur W. Stefánsson.

AUGLÝSING

um hámarkshraða á þjóðvegum um Selfoss.

Hámarkshraði á Suðurlandsvegi frá ristarliði vestan við Selfoss að vegamótum við Gaulverjabæjarveg (sbr. lið II. B. í auglýsingu nr. 124/1960) skal vera 45 km. á klst.

Hámarkshraði á Eyrarbakkevegi frá vegamótum við Suðurlandsveg að vegamótum við ræktunarveg sunnan við Selfoss (sbr. lið III. B. í auglýsingu nr. 124/1960) skal vera 45 km á klst.

Auglýsing þessi, sem sett er samkvæmt 50. gr. umferðarlaga nr. 26 2. maí 1958, sbr. 7. gr. laga nr. 62 13. maí 1966, öðlast þegar gildi.

Dóms- og kirkjumálaráðuneytið, 16. júní 1966.

Jóhann Hafstein.

Ólafur W. Stefánsson.

REGLUGERÐ

um barnavernd í Hafnarkauptúni í Hornafirði.

1. gr.

Í Hafnarkauptúni í Hornafirði er börnum og unglingum innan 15 ára aldurs bannað að vera úti á almannafæri eftir kl. 21.00 að kvöldi á tímabilinu frá 1. október til 1. maí, nema í fylgd með foreldrum eða öðrum forráðamönnum. Þó er þeim heimilt að sækja skemmtanir skóla og æskulýðsfélaga undir umsjón foreldra eða fulltrúa þeirra.

Óheimilt er þeim og á sama tímabili aðgangur að kvöldsýningum kvikmyndahúsa og öðrum skemmtunum, nema í fylgd foreldra eða forráðamanna.

Foreldrum og forráðamönnum barna og unglunga ber að sjá um, að ákvæði þessu sé hlýtt.

2. gr.

Unglingum innan 15 ára aldurs er óheimill aðgangur að almennum veitingastofum, is-, sælgætis- og tóbaksbúðum eftir kl. 21.00 að kvöldi á tímabilinu frá 1.